

# EKH CHORE ROMESKIRI NAFAKA

Akana ulo ekh choro rom. But si choro. Leski romni dela pes lesa holi:

– Dzha butyate be, roma!

Isi len but hurde. Oda phela:

– Ka zha!

Oda lela po tover, zhala ekhe kashteste. Chhinela o kasht ko brestos.

Chalavla trin drom. Iklyola leske ekh dervishi.

– O-o-o! – kazal – Nay!

Chalavdyas, chalavdyas, izohindyas:

– Oh!

Ov nali o dervishesko anav si „Oh“. Inklyola o dervishi, phela:

– So mangsa?

Lel akana o dervishi, phenla leske:

– So mangsa?

Ova phenla:

– Mangaa – phenla – deshe breshengo danakos!

I ov pala phenla:

– Nishto de! Ka dav tut deshe breshengo danakos, ama astar ma!

Dela les ekhe heres. Ov pa phenla:

– So te kerav kale heresa? Me nay so te hav, heres ka parvarav!

Ovda phenla:

– Le o heres! Pala dzha tuke! Zakaray magareto u vas.

O hereske phenla:

– Ka pherav tuke habe.

Pherela leske ekh baro shiniki frolya. Ovda phendas:

– E vov si thagar kale bukyate!

Gelo khere. Zhala khere, leski romni panda:

– U-u-u! Hlyav te dades! Mange habe nanay, ta heres anesa mange!

Ov pala phenla:

– Stani romniye! Me dikh, so anava tuke!

Hem gilyabela, hem avela peske. I romni hohavela les. Avela khere.

– Romniye! An o shiniki!

Odaya phenla:

– So ka keres? So ka keres o shinikosa?